



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opvs De Iudiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos &
Festos, ab ipso Auctore confectus

Stengel, Georg

Ingolstadii, 1651

7. Quid sint sudaria & semicinctia S. Pauli, per quæ tot sanati?

urn:nbn:de:hbz:466:1-45701

mine impurus spiritus ab usurpata sede se proripere cogeretur. Ita eliminatus est puella malus habitator, vel nolens nomen magnum fecit, in quo fuit eliminatus. Luculentius adhuc cæci, per nomen IESV, à Paulo illuminati exemplum recenset Hildanus in vita eius, quod breuitatis causa, omitto, quia vita illa est in manibus omnium.

Apud Sur.
9. Octob.

VII.

Act. 19. 10.

Longum esset, si vellem omnia Pauli miracula perconsere, quibus animas ad veritatem Euangelij adunxit. Paucis verbis multa significauit Lucas, ubi dixit, eum tum in synagoga, tum in schola Tyranni cuiusdam quotidie disputasse, & adunxit: *Hæc autem factum est per biennium, ita ut omnes, qui habitabant in Asia, audirent verbum Domini, Iudæi atq; Gentiles. Virtutesq; non quæstibet faciebat DEVS per manum Pauli; ne lingua sola minus virium haberet; sed ut à miraculis pondus accederet ad orationem illius.*

Qualia autem, & quanta miracula? Ita ut etiam super languidos deferrentur à corpore illius sudaria, & semicinelia, & recedebant ab eis languores, & spiritus nequam egrediebantur. Vsq; adeò non manus tantùm illius salutiferæ erant, sed etiam panni. Sudaria, Glossa Interlinearis intelligit, quibus laborantium sudor extorquitur. Semicinelia Historia scholastica vult esse vestes ex uno latere pendentes, vel zonas, siue vestes nocturnas, vel genus sudarij, quo Hebræi utuntur in capite. Differre hæc à sudarijs longè probabilius est, & videntur esse è lino, aut è pellibus, ea vela, quæ à renibus circumligando demittuntur, ab ijs, qui in opificio, aut alio ministerio versantur, ad cauendas & arcendas à vestibus sordes, & simul etiam ad extergendum subinde vultum, sicut opifices facere videmus. Quali fortasse linteo etiam Christus se præcinxit, discipulorum pedes loturus. Quanta hæc potentia? linteæ ad humores faciei, ut sudores, mucus, lachrymas abstergendas destinata; pannus manualis, corium sordibus maculatum, rapiuntur, & vulneribus, vlcerebus, morbis imponuntur, fiuntque omni pharmaco efficaciora medicamenta. Nam quibus admouebantur, recedebant ab eis languores, & spiritus nequam egrediebantur. Quis hic videns tantam vim reliquiarum, non se jungat illi Ecclesiæ, quæ docet Sanctorum reliquias esse venerandas? S. Chryostomus addit; Paulum sua ymbra non tantùm morbos æquè ac Petrum depulisse,

Ioan. 13. 4.

Act. 19. 12.

S. Chryost.
hom. 8. in ep.
ad Rom.

depulisse,

depulisse, sed etiam mortuos suscitasse. Quod pium est credere et si in Actibus Apostolorum non reperitur.

Illud & de Petro, & de ceteris Apostolis legimus: *Magis VIII.*
autem augebatur credentium in Domino multitudo, virorum, ac Act. 5. 14.
mulierum, ita ut in plateis eijcerent infirmos, & ponerent in lectulis
ac grabatis, ut veniente Petro, saltem umbra illius obumbraret quem-
quam illorum, & liberarentur ab infirmitatibus suis. Unde ingens
Apostolorum fructus & conuersorum multitudo colligitur.
Nam tot erant, ait Caietanus, ut nec commodè possent illos deferre
ad Apostolos, nec Apostolis vacaret venire ad eos pro multitudine.
Hinc magna potestas Apostolis data, & inde gloria exurgens
apparet. Quid enim sudarijs, quid semicinctijs, quæ ad sordes
excipiendas portantur, immò quid ipsa vilis umbra? Itaque
ob hunc modum edendi miracula, D. Chrysostomus, illud Chri-
stidictum: Et maiora horum facies, exponit, aitque maiora ab Ioan. 14. 12.
Apostolis, quàm à Christo facta esse. Et si enim spectata virtute S. Chryso.
actiua, quam infinitam esse & diuinam oportet, omnia miracula orat. contra
sint paria; tamen si res ipsas spectemus, quæ fiunt, quarum non Gentes.
eadem est natura & perfectio; aut si modum consideremus, qui
in ijs faciendis adhibetur, miracula planè inæqualia sunt. Unde
mortui suscitatio maius quid est, quàm cæci illuminatio: & cu-
rare per solam umbram longè mirabilius est, quàm per manus
contactum, vel verbum. Obseruat tamen etiam Lorinus, vñ. Lorin. in Act.
bram non per se operatam fuisse, cùm sit priuatio, sed presen- cap. 5. 15.
tiam Perri, ob quam curabantur infirmitates, siue ipse esset caus-
sa moralis tantùm, siue etiam physica instrumentalis. Ex quo
prodigio D. Augustinus ita argumentatur, etiam nostros here- S. Augustin.
ticos confutans: Si tunc opem ferre poterat umbra corporis, quanto serm. 29. de
magis nunc plenitudo virtutis? Si tunc supplicantibus proderat aura Sanctis.
quadam pertransientis, quanto magis gratia nunc permanentis?
Meritò per omnes Christi Ecclesias auro pretiosius habetur ferrum,
illud pœnalarum vinculorum. Si tam medicabilis fuit obumbratio vi-
sitantis, quanto magis catena vincientis? Vt umbra venientis Petri
obumbraret eos. Si inanis quadam species vacua imaginis habere po-
ruit in se vim salutis: quantò plus de corpore meruerunt attrahere
salubritatis ferreo pondere sacris impressa membris vincula passionis?

H h h 2

Quid